

սկզբնական ուսումը և կրօնաւորական կոչումը ստացած Վարդան ճգնաւորի մօտ 6 տարի քնալուց յետոյ՝ մօտաւորապէս մինչև 1375 թ. — կատարելագործած իւր ուսումը Յ. Որոտնեցու մօտ՝ 8 տարուայ ընթացքում, որ ասել է՝ ո՛չ ուշ քան 1385 թ. (որովհետև յաջորդ թուին վախճանուեց «մեծ վարժապետը») — և վարդապետական աստիճան ստանալու համար դեգերած լինելով Սարգիս վարդապետի մօտ՝ 10 տարի, այսինքն ոչ ուշ քան 1400 թուականը (որովհետև այդ միջոցներին վախճանուեց Սարգիս վ.), եթէ յԵրևան Երուսաղէմ գնալն ևս դնենք նորա վարդապետական աստիճանն ստանալուց յետոյ՝ նախ քան վանահայրութիւնը, պէտք է որ այդ ուղևորութիւնը եղած լինի 1400—1405 թուերի մէջ, որովհետև յաջորդ 1406-ին նա ստանձնեց Սուխարայ ուխտի և կարճ միջոցից Յիպնավանքի առաջնորդութիւնը:

Ժամանակակիցները — Թոմա Մեծոբեցի, Առաքել Սիւնեցի և այլք — մեծ գովութեամբ են խօսում յԵրևան Երուսաղէմ մասին. «ոչ գոյով նման նմա ողորմած և մարդասէր և սպասաւոր աղքատաց և տնանկաց». — կոչում են նորան «մեծ բարունապետ, որ ի վերջին աւուր+ս քան զառաջինսն գե-